

# 100 keluarga terima bantuan MyKasih

FARAH DIYANA SAMSUDDIN

KUCHING, Selasa – Seramai 100 keluarga di sekitar bandar raya ini menerima bantuan MyKasih 'Love My Neighbourhood' bagi membantu mereka membeli barang keperluan asas di Pasaraya Giant di sini.

Menteri Kebajikan, Wanita dan Pembangunan Keluarga Datuk Fatimah Abdullah berkata Pasaraya Giant menyumbang RM192,000 kepada program itu untuk membantu 200 keluarga miskin di negeri ini.

"Penerima akan menikmati bantuan ini selama setahun dengan cara penerima hanya perlu menggunakan myKad atau kad bercip khas yang telah diberikan ketika membuat pembayaran," katanya. Menurutinya, strategi bantuan yang diusahakan Yayasan MyKasih itu sangat berinovatif dengan penggunaan myKad dalam pengagihan bantuan kebajikan.

"Dengan cara sebegini membolehkan setiap sumbangan untuk para penerima yang layak akan terus sampai sepenuhnya

tanpa perlu melalui proses tirsan yang lain," jelasnya.

Jelas Fatimah, teknologi bantuan itu membolehkan setiap pembelian penerima bantuan direkodkan dengan kadar had pembelian sebanyak RM80.

"Melalui bantuan ini, diharapkan dapat meringankan beban golongan yang kurang berkemampuan seperti orang miskin, ibu-ibu tunggal dan warga usia emas di seluruh negeri ini," ujarnya.

Fatimah memberitahu, senarai penerima bantuan tersebut telah dikenal pasti melalui rekod data eKasih di negeri ini.

Beliau berkata demikian semasa sidang media Majlis Pelancaran Bakul Makanan di Pasaraya Giant di sini semalam.

Turut hadir, ahli lembaga amanah Yayasan MyKasih, Siti Khairon Shariff, Ketua Operasi GCH Retail Malaysia Timur Marius Knight, Pengarah Hal Ehwal Korporat GCH Retail (Malaysia) Sdn Bhd Rosita Jaafar dan wakil e-Kasih.



KENANGAN ... Datuk Fatimah Abdullah merakamkan kenangan bersama sebahagian daripada penerima sumbangan semasa Program Giant MyKasih 'Love My Neighbourhood' Sarawak Aid Food di Pasar Raya Giant, Tabuan Jaya, di Kuching semalam. Foto: IRQIENQISTINA HELMI